

ուսուցիչ-ուսուցչուհիներ: Գեռ գիւղացիութիւնը նոր գիտակցութեան է գալիս, դեռ նոր է սկսել համոզմունքով համակրել դպրոցին:

Ամբողջ Փէրիայի բազմաթիւ հայ գիւղերում երեք դպրոց եմ տեսել. Նամակերտում՝ «Յովնանեան», Բոլորանում՝ «Հայրիկեան», Սանգիբարանում՝ «Պօղոս Անդրէասեան» երկսեռ դպրոցները, որոնք քիչ թէ շատ կանոնաւոր են. այդ դպրոցներից Նամակերտինը պահում է Տ. Վառվառէ Բանանեանը:

Ընդհանրապէս Փէրիայի կրթական գործը կազում է երկու պատճառով. — ա. որ գիւղերում ինտելիգէնտ ուժեր չկան. բ. չկայ ընդհանուր կրթական կազմակերպութիւն և վարչութիւն:

Հիւսնդուքիւն և բժշկութիւն: Այս տեսակէտից պատկերը դարձեալ աննախանձելի է. գիւղացիների բժշկական գործը գտնուում է ամենաթշուառ վիճակում. բաւական է ասել, որ ամբողջ Փէրիան մինչև իսկ չունի յատուկ գաւառային բժիշկ, չունի մասնաւոր դեղատուն: Գիւղացիք ասես ամենեւին հասկացողութիւն չունեն մաքրութեան և հասարակ առողջապահիկ պայմանների մասին. մարմնի, շորերի, բնակարանի մաքրութիւնը նրանցից մեծ մասը, դժբախտաբար միանգամայն աւելորդ է համարում և կան տեղեր, որտեղ կեղտը, անմաքրութիւնը առասպելական է. ամենայն կողմ անմաքրութիւն, կեղտոտութիւն, ո՛չ մի առողջապահական պայման, ո՛չ մի զգուշութիւն. հէնց այդ է գլխաւոր պատճառը, որ շատ հիւանդութիւններ են յառաջ գալիս ու տարածւում: Յաճախ մարդ պատահում է այնպիսի տների, որոնց անդամների մեծամասնութիւնն աչքացաւով կամ տենդով են բռնւած. իսկ հիւանդանալուց բժշկական օգնութեան մասին համարեա թէ չեն էլ մտածում և դժբախտութիւնն այն է, որ այդպիսի երևոյթներ նրանք վերագրում են Աստծուն, համարելով այդ մի տեսակ պատիժ, և որը հետևանք է տիրապետող տգիտութեանը: Բնական է, որ